

堯山堂外紀

堯山堂外紀卷十

晉陵蔣仲舒編

六朝

晉

司馬懿

字仲達曹操辟爲文學掾遷太子中庶子與陳羣吳質朱鑠號曰四友操

嘗夢三馬同食一槽謂丕曰懿非人臣也丕素與懿善故得免旣而竟遷魏弟

司馬高祖伐公孫淵過故鄉會父老故舊飲燕高祖作歌曰天地開闢日月重光遭逢際會奉辭遐方將掃逋穢還過故鄉肅清萬里總齊八荒

告誠歸老待罪武陽。

賈克

始生時其父達曰後當有克問之慶故名克而字公閭

初魏主高貴鄉公帥府衛出討司馬昭賈克時爲中護軍自外入令成濟弑之泰始中人爲克等謠言曰賈裴王亂紀綱王裴賈濟天下言亡魏而成晉也裴謂裴秀王謂王沈

賈克前婦是李豐女名婉字淑文淑美有才行豐被誅離婚徙邊復娶郭配女卽廣城君名玉璜

後李以赦得還帝特詔充置左右夫人郭怒不
許充乃爲李築室於永年里而不往來嘗與李
聯句賈吟云室中是阿誰歎息聲正悲李云歎
息亦何爲但恐大義虧賈云大義同膠漆匪石
心不移李云人誰不慮終日月有合離賈云我
心子所達子心我亦知李云若能不食言與君
同所宜充嘗辟韓壽爲椽壽美姿容充女於青
瑣中窺而悅之常懷存想發於吟詠婢
往壽家具述其事壽聞心動遂潛往與女通充
覺女有異於常因會諸吏聞壽有異香氣香本

外國所貢一着人經月不歇充計武帝惟賜已
及陳壽疑壽與女私乃考問左右婢得其狀秘
之以文
妻壽

傳玄

晉初置諫官以玄爲之每有奏劾或值
日暮捧白簡整簪帶踈踊不寐臺閣生

風

古歌有八變九曲之名李尤九曲歌曰年歲晚暮
時已斜安得壯士挽日車傳玄九曲歌曰歲暮
景邁羣光絕安得長繩繫白日全篇無傳獨八
變僅存其歌曰北風初秋至吹我章華臺浮雲

多暮色似從崦嵫來。枯桑鳴中林。絡緯響空階。
翩翩飛蓬征。愴愴遊子懷。故鄉不可見。長望始
此回。

傅玄有車遥遥篇曰。車遥遥兮馬洋洋。追思君兮
不可忘。君安遊兮西入秦。願爲影兮隨君身。君
在陰兮影不見。君依光兮妾所願。又燕人歌曰。
燕人美兮趙女佳。其室則迥兮限曾崖。雲爲車
兮風爲馬。玉在山兮蘭在野。雲無期兮風有止。

思多端乎誰能理

李密

字令伯一名虔先仕蜀晉初徵爲太子洗馬陳情表古本少事荒朝後人誤以爲僞朝孫霜崖嘗有詩僞朝料得非公筆不得當時墨本看

李密有才能常望內轉而朝廷無授乃遷漢中太守自以失分懷怨及賜餞東堂詔賦詩末章曰人亦有言有因有緣官無中人不如歸田明明在上斯語豈然武帝忿之免密官

山濤

字巨源與稽康阮籍籍兄子咸及劉伶王戎向秀常集于竹林肆意酣暢世謂

竹林七賢子
簡字季倫

山巨源以器重朝望年踰七十貴勝年少若和裴王之徒並共宗詠有署閣柱曰閣東有大牛和嶠鞅裴楷鞅王濟剔鬻不得休。

漢時侍中習郁嘗於岷山南依范蠡養魚法作池池邊有高隄徧種長楸修竹芙蓉綠岸菱芡覆水是游宴名處山季倫都督荊州時每出嬉遊多之池上置酒輒醉曰此是我高陽池時有兒

童歌曰山公出何許。往至高陽池。日夕倒載歸。
醲酲無所知。時時能騎馬。倒着白接籬。舉鞭問
葛強。何如并州兒。

強家并州
簡愛將

劉伶

字伯倫身長六尺貌甚醜賴而悠悠忽

曰吾以天地為宅舍屋宇為幃衣諸君何
為入我幃中偶與俗士相忤其人攘袂而
起欲必築之伶和其色曰鷄肋何足當
尊奉其人廢然而返伶嘗乘鹿車携一壺
酒使人荷鍤隨
之曰、或、便、埋、我

劉伶病酒渴甚從婦求酒婦捐酒毀器涕泣諫曰

君飲太過非攝生之道必宜斷之伶曰甚善我不能自禁當祝鬼神斷之便可具酒肉婦曰敬聞命供酒肉於神前請伶祝誓伶跪而祝曰天生劉伶以酒爲名一飲一斛五斗解醒婦人之言慎不可聽便引酒進肉塊然復醉

王戎

字濬冲潭之子以平吳功封安豐侯總角時與裴叔則同詣鍾士季須臾去後

客問鍾曰向二童何如鍾曰裴楷清通王戎簡要阮籍先與潭爲友時戎年十五隨潭在郎舍戎少阮二十歲阮與之交謂潭曰共鄉言不如共阿戎談

王安豐婦常卿。安豐、安豐曰婦人卿壻於禮爲不敬。後勿復爾。婦曰親卿愛卿是以卿卿。我不卿卿誰當卿卿。遂恒聽之。

孫楚

字子荆。以有才少所推服。惟雅敬王武子。武子喪時名士無不至者。子荆後來臨。晁慟哭。哭畢向靈牀曰卿常好我作驢鳴。今我爲卿作宛似真聲。賓客皆笑。孫舉

頭曰使君輩存令此人歎

孫子荆年少時欲隱語主武子。當枕石漱流。誤曰漱石枕流。王曰流可枕石可漱乎。孫曰所以

枕流欲洗其耳。所以漱石欲礪其齒。

孫子荆除婦服作詩示王武子其詩曰時邁不停
日月電流神爽登遐忽已一周禮制有叙告除
靈立臨祠感痛中心若抽王曰未知文生於情
情生於文覽之悽然增伉儷之重

孫楚反金人銘曰晉太廟左階前有石人焉大張
其口而書其胃曰我古之多言人也無少言少
言少事則後生何述焉夫惟立言名乃長久胡

為塊然坐緘其口。

孔子觀周遂入后稷之廟廟當右階之前有金人爲三緘

其口而銘其背曰古之慎言人也誠之哉無多言無多事多言多敗多事多害

董京不知何許人在洛陽隱居白社時乞於市得殘碎繒絮結以自覆全帛佳繇則不肯受或見推排罵辱曾無怒色孫楚數就社中載與俱歸又貽書勸其仕進京荅歌曰獨處無娛我以為歡清流可飲至道可飡何為栖栖自使疲單玄鳥紆幙而不被害鳴隼遠巢咸以欲歟矜彼梁

魚遂巡倒尾。沉吟不決。忽焉失水。嗟乎。魚鳥萬世。不悟。以我觀之。乃明其故。知哉。達人深穆其度。

賈謚

卽韓壽子。慰祖賈后女弟出也。后與小吏通。詐爲有身。取慰祖養之。託以諫闈所生。故勿顯謚。雖驕奢而喜延士大夫。石崇潘岳左思陸機棧弟雲及劉琨等皆附

諡號二
十四友

惠帝元康中。京洛童謠云。南風起兮。吹白沙。遙望魯國何嵯峨。千歲觸髅生齒牙。南風賈后字也。

白晉行也沙門太子小字也魯賈謚國也言賈
后將與謚爲亂以危太子而趙王因繫咀嚼豪
賢以成篡奪也其後賈謚旣誅賈后尋亦廢矣
又有謠云東宮馬子莫隴駒。前至臘月纏汝髮。
是時愍懷頗失衆望卒以廢黜不得其死焉趙
主倫旣篡位洛中又有謠云虎從北來鼻頭汗。
龍從南來登城看水。從西來河灌灌數月而齊
王成都河間義兵同會誅倫按成都西藩而在

鄴故曰虎從北來齊東藩而在許故曰龍從南
來河間水區而在關中故曰水從西來齊留輔
政居于宮西有無君之心故曰登城看也

東哲

字廣微陳廣之後其曾孫避王莽亂去
足爲東惠帝朝貢諡請哲爲著作郎哲

嘗辨三日曲水之義賜金五十斤又補
南陔白華華黍白庚由僕崇丘詩六篇

宋哲家貧賦曰余遭家之轍軻嬰六極之困屯無
原憲之厚德有斯人之下貧愁鬱煩而難處且
羅縷而自陳有漏狹之草屋不蔽覆而受塵欲

恚怒而無益徒拂鬱而獨嗔蒙乾坤之徧覆庶
無財而有仁。

太康中陽平郡界大旱暫爲邑人請雨三日而雨
注衆爲督作歌曰東先生通神明請天三日其
雨零我黍以育我稷以生何以酬之報東長生。

石崇

苞之子生于青州小字齊奴苞臨終崇
初獨不及家財及爲荊州刺史使商客

航海致富砌上就苔蘇刻成百花飾以金
玉曰壺中之景不過如是劉寔嘗詣崇如
廁見有絳紗帳大牀茵褥甚麗兩婢持錦
香囊劉惶遽反走語崇曰向誤入卿內崇

曰吳
則耳

石季倫妻綠珠嘗作懊儂歌其詞曰絲布澀難縫
令儂十指穿黃牛細犢車遊戲出孟澤綠珠本
梁氏女崇以珠三斛買之善吹笛孫秀使人求
之不與秀怒勸趙王誅崇崇正宴於金谷園樓
上甲士到門崇謂綠珠曰吾爲汝得罪綠珠曰
當效死於君前卽自投於樓下而死

洛陽石崇宅有綠珠

樓金谷水名流經崇居崇
構別館因名一名梓澤

石衛尉有愛婢曰翔鳳魏末於胡中得之年十五
無有比其容貌崇嘗語曰吾百年後當指白日
以汝爲殉荅曰生愛汝雖不如無愛妾得爲殉
身其何朽于是彌見寵愛崇嘗擇美容姿相類
者十人裝飾衣服大小一等使忽視不相分別
又使數十人各含異香行而笑語則口氣從風
而颺又屑沉水香如塵末布象床使所愛者踐
之無迹則賜以真珠百琲有迹則節其飲食令

身輕弱故閨中戲曰爾非細骨輕軀那得百琲
真珠。及翔風年三十妙年者爭嫉之謂胡女不
可爲羣競相排毀崇受譖卽退翔風爲房老使
主羣少乃懷怨作五言詩曰春花誰不美。卒傷
秋落時突烟還自低。鄙退豈所期。桂芳徒自蠹。
失愛在蛾眉。坐見芳時歇。憔悴空自嗤。石氏房
中並歌此爲樂曲。至晉末乃止。

潘岳

字安仁。范之子。鄉邑號爲奇童。後爲河陽令。植桃李滿城。人號河陽一縣花。岳

妙有姿容少時挾弹出洛陽道婦人遇者
連手縈之左思絕醜亦復效岳遨遊於是
羣姬亂唾委頓而返又岳每行老姬以果
擲之滿車張載至醜每行小兒以瓦石投
之亦
滿車

潘岳有所思因以思揚容姬難堪六字為題作離

合詩曰佃魚始化人民穴處雜田字意守醇樸音

應律呂離心字田心合成思桑梓被原卉木在野離木字錫

鑿未設金石弗舉雜易字木易合成楊害咎蠲消吉德流

晉離心字豁谷可安離谷字穴谷合成容媽然以

喜馬懼外侮。

離女字

熙神委命已求多祐。

離女字 離女字 離女字

成姬嘆彼季末。

口出擇語。

離女字

誰能默識言喪厥

所。

離女字 離女字 離女字

壘畝之諺。龍潛巖阻。

離女字

豈義崇

亂。少長失序。

離女字 離女字 離女字

初潘芑爲瑯邪內史。孫秀爲小史。給岳岳數捷辱

之。秀常啣忿。及趙王倫輔政。秀爲中書令。岳於

省內謂秀曰。孫令猶憶疇昔周旋否。秀曰。中心

藏之。何日忘之。岳于是自知不免。俄而秀遂誣

岳及石崇爲亂誅之初崇爲成陽太守岳送之
詩曰朝發晉京陽夕次金谷湄前庭樹沙棠後
園植烏桺靈囿繁若榴茂林列芳梨飲至臨華
沼遷坐登隆坻玄醴染朱顏但慙杯行遲楊桴
撫靈鼓簫管清且悲春榮誰不慕歲寒良獨希
投分寄石友白首同所歸及岳與崇被收俱不
相知崇已送市岳後至崇謂曰安仁卿亦復爾
耶岳曰可謂白首同所歸矣

潘安仁與石季倫同刑東市時石謂潘曰天下殺
英雄卿復何爲爾潘曰俊士填溝壑余波來及

人

左思

字太冲欲賦三都乃詣張載訪岷、邛之
事遂構思十年門庭煥潤皆置筆硯遇
得一句卽便疏之賦成以示皇甫謐謐爲
賦序由是讀書之家競相傳寫都城爲之
紙賞初陸機入洛擬作三都賦聞思作之
撫掌大笑與弟書曰此間有一唐父欲作
三都賦頃其成以覆酒甕耳左賦
出機絕嘆伏以爲不能加遂輟筆

賈克嘗徵左思爲記室不就因感人年老作詩曰

秋風何冽冽。白露爲朝霜。柔條旦夕勁。綠葉日夜黃。明月出雲崖。皦皦流素光。披軒臨前庭。嗷嗷晨鴈翔。高志局四海。塊然守空堂。壯齒不恒

居歲暮常慨慷。

振衣千仞岡。濯足萬里流。亦太冲詩語。

左思白髮賦云。星星白髮。生於鬢垂。雖非青蠅。穢我光儀。策名觀國。以此見疵。將拔將鑷。好爵是縻。白髮將拔。怒然自訴。稟命不幸。值君年暮。福迫秋霜。生而皓素。始覽明鏡。惕然見惡。朝生晝

拔何罪之故。予觀橘柚一皜一擘。貴其素華。匪
尚綠葉。願戢子之手。攝子之鐏。咨爾白髮。觀世
之途。靡不追榮。貴華賤枯。赫赫閭閻。藹藹紫廬。
弱冠求仕。童髻獻謨。甘羅乘軫。子奇剖符。英英
終賈。高論雲衢。拔白就黑。此自在吾。白髮臨拔。
瞑目號呼。何我之冤。何子之娛。甘羅自以辨惠。
見稱不以髮黑。而名著賈生。自以良才。見異不
以烏髮。而後舉聞之先民。國用老成。二老歸周。

周道肅清。四皓佐漢。漢德光明。何必去我。然後
要榮。咨爾白髮。事故有以。爾之所言。非不有理。
曩貴耆老。今薄舊齒。皤皤榮期。皓首田里。雖有
二毛。河清難俟。隨時之變。見歎孔子。髮乃辭盡。
誓以固窮。昔臨玉顏。今從飛蓬。髮膚至昵。尚不
克終。聊用擬辭。比之國風。

左九嬪名芬思之妹也。少好學。善綴文。武帝聞而
納之。泰始八年。拜修儀。後爲貴嬪。姿陋無寵。以

才德見禮每有方物異寶必詔爲賦頌以是屢
獲恩賜馬賦咏木云南山有鳥自有啄木饑則
啄樹暮則巢宿無干於人惟志所欲性清者榮
性濁者辱

左太冲嘗有感離詩贈芬芬荅詩云自我去膝下
倏忽踰再期披省所賜告髣髴想容儀何時當
奉面娛目於書詩何以訴辛苦告情於文辭

陸機

字士衡大司馬抗之子弟雲字士龍蔡
司徒在洛見平原兄弟佳參佐屨中三

間瓦屋士龍住東頭士衡住西頭士龍爲
人文弱可愛士衡長七尺餘聲作鐘聲言
多忼慨尚書閔鴻見士龍小時卽奇之曰
此兒若非龍駒當是鳳雛刺史周浚召爲
從事謂人曰陸士龍當今顏子也後宦人
孟玖諧平原有異志與雲俱被害是日昏
霧四合大風折木平地
雪盈尺人以爲陸氏寃

陸機百年歌云一十時顏如舜華暉有輝體如飄
風行如飛終朝出遊薄暮歸六情逸豫心無違
清酒將炙奈樂何奈樂何二十時膚彩津澤
人理成美目淑貌綽有榮光車駿馬遊都城高

談雅步何盈盈。清酒將多奈樂何。三
十時行成名立有令聞。方可扛鼎志干雲。食如
漏卮氣如薰。辭家觀國綜典文。清酒將多奈樂
何。奈樂何。四十時體方克壯志方剛。跨州越
郡還帝鄉。出入承明擁大璫。清酒將多奈樂何。
奈樂何。五十時荷旄杖節鎮邦家。鼓鍾嘈噴
趙女歌羅衣。綵粲金翠華。言笑雅舞相經過。清
酒將多奈樂何。奈樂何。六十時年亦耆艾業

亦隆。駮駕四牡入紫宮。軒冕納那翠雲中。子孫
昌盛家道豐。清酒將多奈樂何。奈樂何。七十
時精爽。頗損膂力愆。清水明鏡不欲觀。臨樂對
酒轉無歡。攬形羞髮獨長歎。八十時目明已
損。聰去耳前言。往行不復紀。辭官致祿歸桑梓。
安車駟馬入舊里。樂事告終憂事始。九十時
日告眈。瘁月告衰。形體雖是志意非。言多謬誤
心多悲。子孫朝拜或問誰。指景玩日慮安危。感

念平生淚交揮。百歲時。盈數已登肌肉單。四

肢百節還相患。目若濁鏡。口垂涎。呼吸頗感反

側難。茵褥滋味不服安。機少好遊獵。在吳豪盛

後仕洛常將自隨。此犬黠慧能解人語。一日機

戲語犬我家絕無書信。汝能賣書馳還取消息。

否犬喜搖尾作聲。機試爲書戚以竹筒繫之。頭

犬出驛路疾走向吳。入草壑肉取飽。每經大水

輒依渡者。弭毛掉尾向之。其人憐愛。因呼上船

載。近岸犬即騰上。速去如飛。逕至機家。口銜竹

筒。作聲。機家開筒。取書看畢。作答。書納竹筒中。

復繫犬頸。犬既得答。仍馳還。洛計入行程五旬

而犬往還才半月。後犬成殞。之遺送

還家。莖機村南村人呼爲黃耳塚。

堯山堂外紀卷十

十六

陸士衡在坐潘安仁至陸便起去安仁曰清風至
塵飛揚陸應聲答曰衆鳥集鳳凰翔

陸士龍荀鳴鶴隱二人未相識因會張茂先坐張

以其並有大才可勿作常語陸舉手曰雲間陸
士龍荀答曰日下荀鳴鶴陸曰既開青雲觀白
雉何不張爾弓布爾矢張曰荀何遲荀答曰本
謂雲龍駸駸今是山鹿野麋獸弱弩彊是以發
遲張乃撫掌大笑

平原初見張華華曰賢弟何不來機曰舍弟有笑矣不暇

不先陳之華鬚偏遂以錦囊成之雲見大笑華
終不恠又嘗縷絰上船水中自見其影便大笑
不已落水
幾至以

張載

字孟陽第協字景陽允字季陽並有俊
才與機雲齊名時稱二陸三張亦曰三

陽又有語云二陸入洛
三張減價不無軒鞋云

張載賦貧士詩曰芒墟人迹希。隱僻閭鄰濶。葦籬
自朽損。毀屋每寥豁。炎夏無完絺。玄冬無煖褐。
四體困寒暑。六時疲飢渴。營生生愈瘁。愁來不
可割。

夏侯湛

與潘安仁並有美客喜
同行時人謂之連璧

夏侯湛文章宏富善構新詞爲郎中累年不調作
抵疑以自廣其辭曰咳唾成珠璣扶袂出風雲
又作家風載其祖父之德

張翰

字季鷹吳人儼之子時人號爲江東步
兵或謂之曰鄉乃可縱適一時不爲身

後名耶荅曰使我有身
後名不如卽時一盃酒

張季鷹辟齊王東曹掾在洛見秋風起因思吳中
菰菜羹鱸魚膾曰人生貴適意爾何能羈宦數

千里以要名爵因作歌曰秋風起兮佳景時吳
江水兮鱸正肥。三千里兮家未歸。恨難得兮仰
天悲。遂棄官歸。

劉寶

字道真陸士衡初入洛谷張華所宜詣
劉是其一陸既往劉尚在哀制中性嗜
酒禮畢初無他言惟問東吳有長柄壺
盧卿得種來不陸兄弟殊失望乃梅往

劉道真遭亂於河側爲人牽船見一老嫗操櫓道
真朝曰女子何不調機弄杼因甚旁河操櫓女
答曰丈夫何不跨馬揮鞭因甚旁河牽船又嘗

與人共飯草舍中見一嫗將兩小兒過並着青
衣劉調之曰青羊引雙羔嫗答曰兩猪共一槽
道真無以對

謝鯤

字幼與與胡母輔之畢卓光孟祖阮放
羊曼桓彝阮孚並以任放爲達時人謂

之八達孟祖避難渡江投胡母值輔之鯤
等敬髮課但閉室酣飲已累日孟祖將排
戶守者不聽便于戶外脫衣露頭於狗竇
中窺之而大叫輔之驚曰他人決不能爾
必我孟祖也

呼入與飲

謝幼與鄰家高氏女有美色常往挑之女投梭折

其兩齒時人語曰任達不已幼與折齒鯤聞之
長嘯曰猶不廢我笑歌

堯山堂外紀卷十

堯山堂外紀卷十一

晉陵蔣仲舒編

六朝

晉

劉琨

字越石與之弟少與祖逖為友
謂人曰常恐祖生先我著鞭

盧謏先為劉琨從事中郎將段匹磾領幽州求謏
為別駕琨答謏詩云情滿伊何蘭桂移植茂彼
春林瘁此秋棘言謏棄已而就匹磾也厥後琨
命箕澹攻石勒一軍皆沒由是窮蹙不能自守

乃率衆赴匹磾繼為匹磾所拘再贈諶詩云朱
實。隕。勁。風。繁。英。落。素。秋。何。意。百。鍊。剛。化。為。繞。指。
柔。其。詩。託。意。欲。以。激。諶。而。救。其。急。諶。殊。不。領。琨
既被害諶始上表以雪其寃

祖逖

字士雅元帝時為豫州刺史戴洋語人曰祖士雅九月當死妖星已見於豫州

之分矣逖亦嘆曰此為我也俄卒贈車騎將軍劉琨嘗稱祖朗諶曰少為王敦所歎

祖逖在豫州約已務施課農桑撫納新附又收葬
枯骨為之祭醊百姓感悅嘗置酒大會耆老中

坐流涕曰吾等老矣更得父母死將何恨乃歌
曰幸哉遺黎免俘虜三辰既朗遇慈父玄酒清
醪甘瓠脯何以詠思歌且舞

鄧攸

字伯道童時嘗詣鎮軍賈混混以訟事
亦攸使去之攸曰聽訟吾猶人也必也

使無訟乎混竒
之以女妻焉

元帝時鄧攸為吳郡太守攸載米之郡俸祿一無
所受惟飲吳水而已及去賤百姓留牽攸舡不
得進攸乃少停夜中發去吳人歌之曰純如打

五鼓鷄鳴天欲曙。登侯挽不留。謝令推不去。

葛洪

字稚川丹陽句容人少以儒學知名尤好神仙真養之法元帝時王導薦為散

騎常侍以平賊功賜爵關內侯後開交趾出丹求為句漏令乃於羅浮山煉丹自號

抱朴子因以名書後尸解仙去號葛仙翁

葛洪嘗過贛之興國境見山靈水秀遂結廬築壇鑿池洗藥留四言詩一首曰洞陰泠泠風珮清清仙居永劫花木長榮今其地有洗藥池

郭璞

字景純有郭公者精卜筮璞從受業公以青囊中書九卷與之由是遂洞五行

天文卜筮之術嘗撰前後
筮驗六十餘事名為洞林

郭景純有焦僥讚曰焦僥極廢瑋人又小四體取
足眉目繞了

郭景純著幽思篇有句云林無靜樹川無停流阮
孚歎曰泓峰蕭瑟實不可言每讀此文輒覺神
超形越

郭景純過江居于暨陽墓去水不盈百步時人以
為近水景純曰將當為陸後數年沙漲去墓數

十里皆為桑田其詩曰北阜裂裂巨海混混壘
壘三墳唯母與昆

郭景純錢唐天目山詩云天目山前兩乳長龍飛
鳳舞到錢唐海門一點巽峯起五百年間出帝
王後宋高宗中興建邦天目乃主山至度宗甲

戌山崩京城騷動時有建遷蹕之議者未幾宋

鼎遂移

王敦起璞為記室參軍蘇峻之難敦將
率兵使璞筮璞曰無成敦大怒曰卿壽

幾何曰命盡今日日中敦怒收璞詣南崗斬之
璞素與桓彝友善彝每進或值璞在婦間便入

璞曰卿他處自可徑前但不可廁上相尋必容
主有殃也異後因醉詣璞正逢在廁見璞裸身
被髮樹刀設醴璞見異撫心大驚曰吾每屬卿
勿來非但禍吾卿亦不免天實為之將以誰咎
故璞終嬰王敦
之禍而異亦死

初庾翼幼時嘗令景純筮公家及身卦成曰建元
之末丘山傾長順之初子彫零及康帝卽位將
改元為建元或謂庾米曰子忘郭生之言耶丘
上山名此號不宜用米撫心歎恨及帝崩何克
改元為永和庾翼歎曰天道精微乃如是耶長

順者永和也吾庸得免乎其年翼卒

殷羨

字洪喬豫章太守

殷洪喬作豫章郡臨去都下人因附百許函書既至石頭悉擲水中因祝曰沉者自沉浮者自浮殷洪喬不能作致書郵今金陵西南有投書渚

元帝皇子生晉賜奉臣殷洪喬謝曰皇子誕育晉天同慶臣無勲焉而猥頒厚賚中宗笑曰此事豈可使卿有勲耶

庾亮

字元規與弟翼先後都督征討軍事稱大征西小征西世謂亮為豐年玉翼為

荒年
穀

咸和初度亮專總朝政時歷陽內史蘇峻志輕朝
廷亮乃修石頭城以備之因下詔徵峻峻曰我
寧山頭望廷尉不能廷尉望山頭遂舉兵反初
明帝大寧初童謠云惻惻力力放馬山側大馬
死小馬餓高山崩石自破至是明帝崩成帝方
六歲為峻所逼遷于石頭御膳不足此大馬死
小馬餓也高山峻也峻尋死峻弟石據石頭尋

為諸公所破

孫盛二子長名潛次名放小時同詣庾公公問潛

何字答曰字齊由公曰歆何齊曰齊許由問放

何字答曰字齊莊公曰欲何齊曰齊莊周公曰

何不慕仲尼而慕莊周對曰聖人生知故難企

慕庾公大喜小兒對

放兄弟與庾翼子園客同為學生園客少有佳稱一

日詣孫見奔莊在外問之曰孫安園何在即答曰庾稱公恭庾大笑曰詣孫大盛有兒如此又

答曰未若諸庾之翼翼還語人曰我故勝得重喚奴父名

度亮初鎮武昌。出至石頭，百姓於岸上歌之曰：「度公上武昌，翩翩如飛鳥。度公還揚州，白馬牽旒。」旒，度公初上時，翩翩如飛鳥。度公還揚州，白馬牽旒。蘇後，連徵不入，及薨於鎮，以喪還都，葬皆

如謠言。

桓溫

字元子，主未期。溫矯見之曰：「此兒有奇骨，可試使啼。」及聞其聲，曰：「真英物也。」父

曇以鬻所賞，故名。溫面有七星，劉惔常稱之曰：「桓公髮如反猬皮，骨如紫石，稜自是

孫仲謀司馬宣王一流人也。嘗經王敦墓，望之云：「可兒，可兒。」後伐秦於北方，得一巧

作老婢訪之乃劉琨妓女也一見溫便潛
然而泣問其故答曰公甚似劉司空溫大
愧出整理衣冠又呼問之婢云面甚似恨
薄眼甚似恨小鬚甚似恨赤形甚似恨短
聲甚似恨惟溫於是禡冠解
帶昏然而睡不怡者數日

桓大司馬嘗題八陣圖云望古識其真臨源愛往
跡恐君遺事節聊下南山石。

哀帝隆和初童謠云升平不滿斗隆和那得久桓
公入石頭陛下徒跣走先是穆帝改元升平越
五年帝崩不滿斗不至十年也朝廷惡聞此謠

國政年曰興寧民復歌曰雖復改興寧亦復無
聊生哀帝尋崩大臣迎奕立之奕夙有痿疾使
左右向龍與內侍接生子以為己子百姓歌之
曰鳳皇生一雛天下莫不喜本言是馬駒今定
成龍子又歌曰青青御路楊白馬紫浮韁汝非
皇太子那得甘露漿白者金行馬者國族紫為
奪正之色明以紫間朱也時溫欲先立功河朔
以收時望還受九錫及枋頭之敗威名頓挫却

起乃勸為伊霍之舉。溫遂與定議。詣建康宣太
后。令廢奕為海西縣。公立會稽王昱。三子非海。
西公子縊。以馬韁死。明日南方獻甘露。

初熒惑入太微。海西尋廢簡文。登阼復入太微。帝
惡之時。郝起為中書。在直引起入。曰天命脩短
故非所計。政當無復。近日事不起。曰大司馬方
將外固封疆。內鎮社稷。必無若此之慮。帝因誦
庾闡從征詩。曰志士痛朝危。忠臣哀主辱。聲甚

悽厲却受假還東帝曰致意尊公家國之事遂
至於此因泣下流襟

簡文作撫軍時嘗與桓宣武俱入朝更相讓在前
宣武不得已先之因曰伯也執爰為王前驅簡
文曰無小無大從公于邁一日在暗室中坐召

宣武宣武至問上何在簡文曰某在斯時人以

為能

簡文極善立言帝以劉惔王濛為談客嘗

入華林園類謂左右曰會心處不必在遠

翳然林水便自有濠濮間想也覺鳥獸禽魚自

未親人桓宣武下都問劉惔曰聞會稽王語奇

進爾邪曰極進然故是第二流中人耳
桓曰第一極復是誰劉曰正是我輩

殷浩

字深源少與桓溫齊名常有競心桓問

我殷嘗作詩示桓桓玩侮之曰汝慎勿犯
我犯我當出汝詩示人也袁粲大妹名女
皇適浩小妹名女正適謝尚嘗

語桓云恨不更有一人配卿

孫盛與殷浩談論徃反精苦客主無間左右進食
冷而復暖者數四彼我奮擲塵尾毛悉脫落滿
餐飯中賓主遂至暮忘食殷乃語孫曰莫作強
口馬我當換卿鼻孫曰卿不見汝鼻牛人當勞

鄉頸謝尚聞浩能清言往造之謝注神傾意不覺流汗殷徐語左右取手巾與謝郎拭面

殷中軍連年北伐師徒屢敗桓溫因朝野之怨請

廢之在信安終日恒書空作字每恨簡文曰上

人箸百尺樓上僦梯將去外生韓康伯始隨至

徒所周年還都殷素愛之送至水側乃詠曹顏

遠詩曰富貴他人合貧賤親戚離因而泣下殷

既廢桓公語諸人曰少時與阿源共騎竹馬我乘去已輒取之故當出我下浩死浩子涓不詣

溫而與武陵王晞游溫疑而害之竟不識也孝武即位溫入朝赴山陵謂從者曰先帝向邊靈

見衆亦見温拜時類言臣不敢温又問殷涓形
狀云向亦在帝側盖涓為崇也温遂遇疾死

王羲之

字逸少導從子郗鑒使門生求婿於
導導令徧觀子弟門生歸語鑒王氏

諸少並佳然惟一人在東床坦腹若不
聞鑒曰此正佳婿訪之乃逸少也遂妻之
子七人疑之奕之微之操之獻之皆有書
迹傳世玄之庸之二人未見故東坡詩云
羲之生五之特以王承王
悅及羲之為王氏三少

王右軍少重患一二年輒發動後答許掾詩忽復

惡中得二十字云取歡仁智樂寄暢山水陰清
冷澗下瀨歷落松竹林既醒左右誦之誦竟右

軍歎曰癡何預盛德事耶

永和中王羲之修禊事于會稽山陰之蘭亭羣賢
畢集謝安謝萬孫綽與羲之等十一人賦五言
詩各一首讒繹庾嶷孫嗣曹茂之與渙之等十
五人或四言或五言各一首謝瑰卞迪卓旄羊
模孔熾劉密與獻之等十六人詩各不成罰酒
三觥羲之五言詩曰仰視碧天際俯瞰淥水濱
寥聞無涯觀寓目理自陳大矣造化功萬殊莫

不均。羣籟雖參差。遠我無非親。時人以蘭亭集

序方之。金谷詩序云。羲之得人。以已敵石崇。甚

有欣色。

會稽有孤居姥養鷓鴣。羲之市之。未得。乃命駕自往。觀之。姥聞王至。烹鷓鴣。以

待。羲之歎惜不已。又山陰有道士養鷓鴣。羲之亦往觀之。道士云。為寫道德經。當舉奉相贈。羲之欣然。寫畢。籠鷓鴣而去。在載山時。見一老姥賣六角竹扇。羲之書扇上。各為五字。姥初不喜。羲之謂姥曰。但道是王右軍書。求百錢。可得也。每自言我書。與鍾繇書。抗行比張芝草。猶當厲行其書。初不勝。庾翼。却倍及其暮。年方妙。

王徽之作桓車騎

冲

騎兵參軍桓問曰。卿何署。答

曰不知何署時見牽馬來似是馬曹桓又問官
一有幾馬答曰不問馬何由知其數又問馬比死
多少答曰未知生焉知死桓又嘗謂王曰卿在
府久比當相料理王初不答直高視以手版拄
頰云西山朝來致有爽氣

王子猷居山陰夜大雪眠覺開室命酌四望皎然
因起彷徨詠左思招隱詩曰杖策招隱士荒塗
橫古今巖穴無結構丘中有鳴琴白雪停陰岡

丹葩曜陽林。忽憶戴安道。時戴在剡。即便夜乘

小舡就之。經宿方至。造門不前而返。人問其故。

王曰。吾本乘興而行。興盡而返。何必見戴。

子猷嘗暫

寄人空宅。住便令種竹。或問暫住何煩。爾王直指竹曰。何可一日無此。若嘗行過吳中。見一士大夫家。桎有好竹。主已知子猷當往。乃洒掃。施設在聽事。坐相待。玉肩輿徑造竹下。調瀟良久。主已失望。猶冀還當通。遂直欲出門。主人大不堪。便令左右閉門。不聽出。王更以此賞主人。乃留坐盡歡而去。又嘗出都尚。在渚下。舊聞桓伊善吹笛。而不相識。遇桓于岸上。過王在舡中。客有識之者。云是桓子野。王便令人與相聞。云聞君善吹笛。試為我一奏。桓時已貴。顯素聞王名。

卽便回下車路胡牀為作三調弄畢便
上車去客主不交一言其任率每如此

王子猷詣謝公謝問七言詩何始子猷承問答曰
離騷昂昂若千里之駒汎汎若水中之鳧

王獻之為吳興守羊不疑為烏程縣令其子欣時
年十二王甚知愛之嘗夏日入縣欣著新練裙
畫寢子敬書數幅而去欣本攻書因之彌善欣
尤長于隸書子敬之後可以獨步時人語曰買
王得羊不失所望子敬嘗夜卧齊中有羣偷入
其室盜物都盡子敬徐曰偷

兒青蓮我家舊物可
特置之羣偷驚走

王子敬有愛妾曰桃葉其妹名桃根嘗作歌送之
曰桃葉復桃葉渡江不用楫但渡無所苦我自
來迎接又云桃葉復菀葉。桃葉連桃根。相憐兩
樂事。獨使我殷勤。桃葉能詩答歌曰桃葉映紅
花。無風自婀娜。春花映何限。感君獨採我桃葉。
復桃葉渡江不待檣。風波了無常。沒命江南渡。
後以淫見棄。今金陵秦淮口有桃葉渡云。

支道林入

東見子猷兄弟還人間見諸王何如答曰見一
羣白頸烏但聞喚啞啞擊耳子猷子敬俱病篤
而子敬先亡子猷問左右何以都不聞消息比
已喪矣語時了不悲便索與妻奔喪都不哭子
敬素好琴便徑入坐靈牀上取子敬琴彈玩既
不調擲地云子敬子敬人琴俱亡因慟絕良久
月餘亦卒

謝尚

字仁祖小名堅石年八歲父鯤將送客
爾時語已神悟諸人咸共歎之曰年少

一坐之顏回仁祖曰
坐無尼父焉別顏回

謝尚為鎮西將軍嘗著紫羅襦據胡牀在市中佛

國門樓上彈琵琶作八道曲曰青陽二三月柳

青莢復紅車馬不相識。青落黃埃中。市人不知

是三公也。

仁祖善音樂桓宣武嘗語人曰諸君莫輕道仁祖企脚北窓下彈琵琶故

自有天際真人想

謝安

字安石奕墨也累遷太保錄尚書事贈太傅誼文靖王儉稱為江左風流宰相

紹興府有東山山半有蕃薇洞即安携妓遊絳絕頂有謝公朝馬路白雲明月二亭

遺跡白雲明月即二妓名

謝安王坦之郗超並少有盛譽時人語曰大才槃
槃謝家安江東獨步王文度盛德日新郗嘉賓

有人問謝安石王坦之優劣於桓公桓公
停欲言中悔曰卿喜傳人語不能復語卿

謝安蘭亭集詩曰相與欣佳節率爾同褰裳薄雲
羅景物微風翼輕航醇醪陶丹府兀若遊羲唐
萬殊混一象安復覺彭殤

謝傅寒雪日內集與兒女講論文義俄而雪驟下
公欣然倡韻曰大雪紛紛何所似兄子朗曰撒
監空中差可擬兄女道韞曰未若柳絮因風起
公大笑樂世稱謝庭聯句

道韞奕之女左將軍
王凝之妻也聰識有

才辨既往王氏大薄疑之反還謝家意甚不悅
叔父安慰釋之曰玉郎逸少子亦不惡汝何恨
迺爾答曰一門叔父則有阿大中郎牽從兄弟
別有封胡過未不意天壤之中乃有玉郎封謂
謝韶叔謂謝朗過謂謝玄末謂謝川皆其小字
王獻之常與宋客談論詞理將屈道韞使婢謂
獻之曰欲為小郎解圍乃施青綾
布障中獻之前議賓客不能屈

謝公因子弟集聚問毛詩何句最佳玄稱昔我往

矣楊柳依依令我來思雨雪霏霏道韞稱吉甫

作頌穆如清風仲山甫永懷以慰其心安謂道

韞所稱偏有雅人溪致

道韞同郡張玄妹亦有才質適顧氏有濟尼者

遊二家或問之對曰王夫人神情朗徹故有
林下之風顧家婦清心玉映自是聞房之秀

謝傅夫人劉不令公有別房公頗欲立妓妾令姪
等微達此旨共訊夫人因稱關雎螽斯有不妬
之德夫人問誰撰此詩答曰周公夫人曰周公
是男子相為耳使周姥撰詩當無此句

王國寶是謝傅壻專利無檢行謝每抑制之後國
寶為孝武帝親暱遂危構謝帝一日召桓子野
飲謝亦在坐帝命桓吹笛桓即吹為一弄乃放

笛云臣於箏分乃不及笛然自足以韻合歌管
請以箏歌并請一吹笛人帝乃勅御妓吹笛桓
父言御府人于臣必自不合臣有一奴善相便
串帝令召之奴既吹笛桓便撫箏而歌曹子建
怨詩曰為君既不易為臣良獨難忠信事不顯
乃有見疑患周旦佐文武金縢功不刊推心輔
王室二叔反流言聲節慷慨俯仰可觀謝傳泣
下沾襟乃越席就之將其鬚曰使君於此處不

凡

羊曇少為謝大傅所知大傅亡後羊輟樂彌年行
不由西州路嘗因石頭大醉扶路唱樂不覺至
州門因悲感不已以馬策叩扉詠曹子建詩曰
生存華屋處零落歸山丘慟哭而去

堯山堂外紀卷十一終

堯山堂外紀卷十一